



**Gabinete Fronteiras Marítimas**  
Konsellu ba Delimitasaun  
Definitiva ba Fronteiras Marítimas  
Díli, Timor-Leste  
+670 7742 5544  
info@gfm.tl  
www.gfm.tl

Gabinete Fronteiras Marítimas mak Sekretáriadu ba Konsellu ba Delimitasaun Definitiva ba Fronteiras Marítimas, ne'ebé responsabiliza ba negosiasaun ba fronteiras marítimas ho Indonézia no Austrália.

## Konferênsia Internasional iha Díli: Fronteiras Marítimas no Lei Tasi nian

Iha 19 Maiu 2016, Governu Timor-Leste realiza *Konferênsia Internasional iha Díli: Fronteiras Marítimas no Lei Tasi nian* ba dahuluk. Konferênsia ne'e akontese iha tempu hanesan ho aniversáriu ba estabelesimentu ba Tribunal Internasional ba Lei Tasi nian (ITLOS) ba dala 20, estrutura internacional ba lei tasi nian. Eventu ne'e promove koñesimentu internasional kona-ba tribunal intenasional nia papel no fornese forum ida ba diskusaun ba kestaun fronteiras marítima atual no ne'ebé foin mosu. Primeiru-Ministru Dr. Rui Maria de Araújo loke Konferênsia ne'e no Prezidente ITLOS, Juiz Vladimir Golitsyn mak apresenta diskursu prinsipal. Iha mos painel diskusaun kona-ba perspetiva global no rejional ba fronteiras marítimas hamutuk ho peritu sira husi Reinu Unidu, Indonézia, Malázia no Singapura.



(K-L) Sra. Jajila Abdul Jalila; Sra. Janelle Saffin; S.E. Ministru Dionisio Babo Soares; Embaixador Eddy Pratomo; S.E. Dr. Rui Maria de Araújo; Prezidente ITLOS Vladimir Golitsyn; Profesor Vaughan Lowe; S.E. Ministru Agjo Pereira; Dr. Hao Duy Phan; Sr. I Made Andi Arsana



Xefi Negosiador Xanana Gusmão no Sekretáriu-Jeral ONU Sr. Ban Ki-moon (foto ONU nian/Rick Bajornas)

## Hahú konsiliaisaun kompulsoria

Iha 11 Abril 2016, Governu Timor-Leste hahú konsiliaisaun kompulsoria tuir Nasoens Unidas nia Konvensaun ba Lei Tasi nian (UNCLOS). Konsiliaisaun kompulsoria nia objetivu mak atu atinji akordu ida ba fronteiras marítimas ho Austrália. Konsiliaisaun kompulsoria mak prosesu ida ne'ebé painel ida ho

konsiliador sira asisti nasaun sira hodi hetan akordu amigavel ida ba sira nia disputa. Dalan ida ne'e bele uza ba sirkumstânsia sira ne'ebé la iha akordu ruma ne'ebé halo ona entre nasaun viziñu sira no nasaun ida hasees-aan tiha ona husi jurisdísiaun husi orgaun obrigatória hodi rezolve disputa ba fronteiras marítimas.

Iha 13 Abril, Xefi Negosiador Xanana Gusmão hasoru malu ho Sekretáriu-Jeral ba Nasoens Unidas, S.E. Sr. Ban Ki-moon iha Nova lorke hodi koalia kona-ba dezenvolvimente atual iha Timor-Leste no informa ba Sekretáriu-Jeral kona-ba notifikasaun ba konsiliaisaun kompulsoria.



Sra. Elizabeth Exposto, Diretora Executiva, GFM; S.E. Dr. Rui Maria de Araújo, Primeiru-Ministru, Timor-Leste; Felismina Carvalho dos Reis, Oficial Komunikaun Sosial, GFM; Xefi Negosiador Xanana Gusmão

## Gabinete Fronteiras Marítimas Lansa Website

Primeiru-Ministru Dr. Rui Maria de Araújo no Xefi Negosiador Xanana Gusmão lanso oficialmente Gabinete Fronteiras Marítimas nia website foun iha 29 Feveireiru 2016 iha Díli, iha Palácio do Governu. Website ne'e instrumentu importante ida hodi ajuda Timor-Leste iha nia luta ba fronteiras marítimas permanentes. Website ne'e plataforma online ne'ebé kompreensivu ho detallu tanba sa mak Timor-Leste luta ba fronteiras marítimas no haree ba tratadu sira ne'ebé existe hela iha Tasi Timor, no mos lei internasional sira ne'ebé relevante inklui Nasoens Unidas nia Konvensaun ba Lei Tasi nian. Website ida ne'e iha lian tolu, iha Tetun, Portugues no Ingles. Atu haree website ne'e, bá [www.gfm.tl/](http://www.gfm.tl/). Iha eventu ne'e, Gabinete Fronteiras Marítimas mos lanso nia pájina Facebook no Twitter.

## Ministru Xanana Gusmão sai hanesan Xefi Negosiador

Iha 3 Feveireiru 2016, Konsellu Ministru hili Sua Eselênsia Xanana Gusmão sai hanesan Xefi Negosiador ba ekipa negosiasaun ba Tratadu ida ba Delimitasaun Definitiva ba Fronteiras Marítimas ho Austrália no Indonézia. Xefi Negosiador mak responsabiliza ba defnisaun ba estrateja ba Konsellu no negosiasaun prinsipal. Ministru Xanana Gusmão dehan nia sente onradu hodi simu papel ida ne'e no finaliza Timor-Leste nia fronteiras marítimas hanesan objetivu importante ida ba nia hodi hetan bainhira nia sei moris hela.

## Primeiru-Ministru koalio kona-ba fronteiras marítimas iha nia hasoru malu ho Amu Papa

Primeiru-Ministru Dr. Rui Maria de Araújo vizita Papa Francisco iha Vatikanu iha 3 Marsu 2016. Primeiru-Ministru koalio kona-ba Timor-Leste nia kestaun fronteiras marítimas ho Austrália. Papa dehan katak nia sei konsidera kestaun ne'e.



Sua Santidade Papa Francisco no S.E. Primeiru-Ministru Dr. Rui Maria de Araújo hasoru malu iha Vatikanu, iha Roma, iha 3 Marsu 2016.

## Negosiasaun ba fronteiras marítimas ho Indonézia

Timor-Leste no Indonézia konkorda tiha ona hodi negocia bilateralmente ba fronteiras marítimas tuir lei internasional, liu-liu UNCLOS no negosiasaun sira ne'e sei kontinua. Negosiasaun ba fronteira rai nian entre Timor-Leste no Indonézia mos progresu ho diak no hein atu kompleta molok 2016 remata.



S.E. Primeiru-Ministru Dr. Rui Maria de Araújo no S.E. Prezidente Joko Widodo hasoru malu iha Palácio Governu, iha Díli, iha 26 Janeiru 2016.